

۲۲ شعبان ۱۳۳۲

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدلیدر .

عرفای امتك مقالات متصوفانه لرینه
جریده صوفیه نك صحیفه لری آچیدر .
درج ایدلیان اوراق اعاده ایدلز .

پنجشنبه

۳ تموز ۱۳۳۰

جريد الاصفیاء

شیمدیك هفته ده بر نشر اولئور .

نسخه سی ۴۰ پاره در .

ابونه سی: برسنه لك اعتبارله ممالك عثمانیه
ایچون بشین اوله رق ۴۰ آلتی آیلنی ۲۵
غروش و ممالك اجنیه ایچون اونا یکی فرانقندر

محل اداره باب عالی جوارنده ابوالسعود
چاده سنده نجم استقبال مطبعه سی

تصوفی ، دینی ، اخلاقی ، ادبی ، سیاسی جریده اسلامیه در .

عدد — ۹۶

سنه — ۲

مفرد اوزره فتح نون ایله ده اوله بیلیر . بو صورتده جمع ضمیرینک رجوعی معنی اعتباریه در . چونکه جنس ، اولغله کرک لام جنسی اولسون کرکه استغراق؛ افراد کثیره شاملدر . صحاحده (نادمی) فلان علی التراب فهو ندیمی وندمانی وجمع الندیم ندام وجمع الندمان ندای (دینلمشدر . وندامه ، نک مدامه « دن مقلوب اولدینی ده سولنمش و (لانه یدمن الشراب مع ندیمه) دییده تعلیل ایدلمشدر . (ختم) برشیته مهر اورمق معاسنه باب ثانیدن مصدردر بوراده آندن معنای مصدری دکلمه مهر و خاتم مراد اولمشدر (اناه) ظرف وقاب معاسنه درکه ایچنه شراب و سائر قونیلور . جمی آتیه ، و آتیه نک اوانی در .

بیوریورکه : اگر ندیمان انجمن محبت ، مقیمان نشیمن عشق و مودت او شرابی حاوی بولان قابک یالکز اوزرنده کی مهری کورسه لر ایدی هیچ شراب ایچمکسزین مجرد او مهر خاتمی کورمک اوناری سرخوش ایدردی .

رباعیه

یارب چه می است این که بود همواره دراعه پرهیزم ازو صد باره
کر مهر خشر را نکرد می خواره بی باده شود مت ازان نظاره

یارب ! بو نه عجیب شرابدرکه قیص صبرم دائما اوندن یوز پارچه اوله رق چاک اولمقده در . همده شرابنوش اولان بر آدم او شرابی محتوی کوپک مهرینه باقسه هیچ بادهیه احتیاج قالمقسزین مجرد او نظره دن سرخوش اولیور .

ناظمک قدس سره (انا) دن مرادی ، حقیقته حامل محبت ذاتیه اولان کاملانک قلبی وواصلانک ارواحی اولمق و (ختم انا) دن دخی آتیرک هیئت بشریه ایله محضوف اولان جسمانی غصریلری مراد اولمقی ممکندرکه عارف وجاهل ، ناقص وکامل بو خصوصده یکدیگریله صورته برابردر . شو حالده محجوب اولنر بو مساواة صورییه بناءً اونلرک حالی کندیلرینه قیاس ایدرلر و اونلرک باطنی ، احواله مطلع اوله مازلر . بلکه اوئی نفی ایتمکده اصرار بیه کوستریرلر . اما وهی استعداد کسی قابلیت ایله بو طائفه نک محفل و مجلسنک ندیمان و حریفانی اولان طالبان قابل ، مریدان صاحب دل مجرد بوشرابک - شرف شربی اولمق اوزره - آثارینی انلرک صفحات و جوهنده و قناب السنه سنده مشاهده ایدرلر ؛ و همده اومشاهده ، باطنلرند تاثیر ایدوب کندیلرینی کندیلک کردن خلاص و و بیخودلاک بی نشانلک مقامه ایصال ایدر . مع هذا مشارالیه مک باطنی احوالیله هنوز متحقق و معنوی اخلاقیله ده متخلق اوله مه مشلدردر .

رباعیه

آنی تو که از نام تویی بارد عشق و زنامه و بی نام تویی بارد عشق
عاشق شود آنکس که بگوید گذرد کوئی زد رو بام تویی بارد عشق
سن اوزاتسنکه نامه و نامندن و خبر دیه پیغامندن عشق یاغیور
شویله که محله کدن مرور ایدن آدم همان عاشق اولیور .

دیه سک که سنک قابو کدن و طامندن بیه عشق یاغیور . الحق ، بو معنی ، ماوراءالنهر خواجگانندن ، و اونلرک خلفا و یارانندن قدس الله اسرار اسلافهم و طول اعمار اخلافهم ظاهر و هویدادر . شویله که صادق بر کیمسه نک نظری او عزیزلردن بر ذاتک جمال مبارکله طوقسه یا اونلرک سعادت صحبتی بر لحظه متیسر اولسه یا خود مشارالیه مک بر التفاتی اوکا نسبت حاصل ایتسه هان او ذات کندی خاطرند - نیجه مدتله ریاضت و مجاهده ایله میسر اوله میه جق بر صورتده بر نسبت جمعیت بولور و باطننده معنوی بر انجذاب مطالعه ایدر . مع هذا او عزیزانک رابطه محبتده اصل ، عمده ، دخی بونسبتی بولوب اکلامقدر . شویله که مشارالیه حضراتی بو نسبتی هر کیمدن تفرس ایدوب بولمشلرله اونک محبتنه قوشمشلر و بو نسبتی بوله مدقلری کیمسه نکده هر کیم اولورسه اولسون - محبتندن یوز چویر مشلدردر او عزیزلردن بر ذاتک انقاس قدسیه سندن اولان بو رباعیه - مجرد تبیین و تبرک طریقله بوراده ایراد اولمشدر .

رباعیه

باهرکه نشستی و نشد جمع دلت و زتو نرمید زحمت آب و کلت
زهارز صحبتش کریزان می باش ورنی نکند روح عزیزان بخت
هرهانی کیمسه ایله که جالس اولدکده نه جمعیت قلیه سنده حاصل ،
نده زحمت بدنیه سندن زائل اولمدی امان او شخصک محبتندن قاج .
یوقسه روح عزیزان رجال ، سنی مظهر حلال وصال ایتز .
جناب حق بزی صالحین رجاله الحاق و صالحات اعماله موفق
بیورسون امین .

مدرس

کمال الدین خرپوتی

مقتضیات

ولادته اصل اولان فطره اسلامیه در نقطه آنا بابا انی تغییر ایدر

جناب مبدأ فیاض جلت عظمته حضرتلرینک ایجاد عالم واحداث حوادثه غایت ازلیه سی شرفصدور بیورلدینی کی الی ماشالله بقا و دوامی ده اراده بیورمش اولدینی ایضاح ایچون دلائل سرده حاجت کوره میورز . نظام عالمک دوامی باشلوجه نوع بشرک بقاسنه وابسته و بقانکده تکثیر نسله پیوسته اولدینی ادنا ملاحظه ایله اکلاشیلور شو حالده هر فرد بشرک خصوصیه هر بر مسلمانک تأهل و تزوجی بو نقطه نظرندن ملاحظه اولنمیدر . چونکه شهوات حیوانیه نک تسکینی مقصد بالذات اولیوب او شهوات و لذتک تناکح و تزوجه سببیت و برمیسله مقصد اصلی اولان تناسل و تکثیر حصول

بولدینی و بناء علیه پدر و مادرک اولاد اوزرنده کی شفقت و محبتی بقا و تکثیر نسلک اسباب موهوبه شدن اولدینی ارباب عقل و حکمت نزدنده مسلم ایکن بالکثر شهوات حیوانیه سنی نظر اعتباره آله رقی معامله زوجیه بی همان او نقطه دن ملاحظه ایتمک درجه علویه انسانیه دن درکه سفلیه حیوانیه تنزل ایتمکدر . شریعت مطهره مزده تعدد زوجاتک مشروع بیورلمسیده تکثر انسال حکمت بالغه سنیه مبیدر چونکه اندفاع شهوت ایچون زوجاتک تعددنه هیچده لزوم یوقدر . نکاح مشروعه مستند اولیان اجتماع ایله زمرة نسوانک غیری به « کرک انسان کرک حیوان و کرکسه ادوات و سائریه » منحصر قالان اشتراک و استمنانک ممنوعیت شرعیه سی و تستر نسوان و حییه مهمه سی ینه محافظه انسال قانون الهیسی مقتضیا تندر . « تناکوا تکاثروا ... الخ » حدیث جلیلک منطوق عالینجه حضرت رسالتناه افندمزده امت مرحومه سنک « ولو سقط جنین ایله اولسون » تکاثر نسلیله ام سائریه مباهی اوله جقیرینک بیانیه تناکج و تزوجی امر بیوربورلر . انسال جدیده اسلامیه نک نظر شرعیریفده کی موقع بلندی شوسرد اولنان مقدمه دن کرکی کبی اکلشلقدنصره تمادی و تکاثر انسالک علت غایه سیده آنجق دین مین اسلامک و شرع قویم احمدیه یه مستند احکامک حفظ و ادامه سندن عبارت اولدینی تظاهر ایدیور . بناء علیه جناب واجب الوجود تقدس ذاته و جلالت صفاته حضرت نلری کنز محفی ذاتی مظاهر کائناتنده مشاهده بیورمق و علم ازلی الهیسنده مکنوز اولان معلومات سبجانیه و مصنوعات صمدانیه سنه ظلال حیات حقیقیسی و اوظلالک الی ماشالله تمادی و تلاقسی ایجاب ایدن قوانین موضوعه طبیعیه سنی مخلوقاتنه دیورمق حکمتیه منی ایجاد ممکناتی اراده بیوروب معارف مقصوده نک تمامی تجلیسنه محل تام و مظهر بنام اوله بیلجک نشئه انسانیه نک قوام و تربیه انتظامی موجب اولان عوالم علویه و منازل سفلیه بی بعدالاتام اعیان انسانیه قابل صور جسمانیه اولان لطائفه اقبال و آندن ترکیبات اجزای عناصره انتقال ایدرک صورت بشریتده تعین ایتمکله هر تقدیر مقتضای طبیعی اولان امرجه حیوانیه و نباتیه به مشارک و احکام تقلبات کونیه به معروض ایسه ده تجلی انوار کبریا اولان قوه عاقله و لطیفه مدرکه ایله ممتاز و صفت مالکیتله سرافراز اولدیندن اگر سراج عقلی شعاع شمس ربوبیت « قوه پرتو ریز حضرت نبوت واسطه سیله » معروض قیلارده علت غاییه خلقتی و بو ظلمتکده عالمده اصل و حقیقتی استقصا و ادراکه سعی ایدرسه مظهر نور هدایت اوله رقی صفات رزیه بهیمیتدن قور تولوب اخلاق نیره الهیه و انوار معارف سرمدیه ایله حائر درجات کمال اولور .

اگر بالعکس مغلوب قوای شهوانیه اولوب منهج فطریسندن اعراض ایدرسه ظلمات طبیعته افول ایله اسفل سافلینده دوجار قهر و جلال اوله جفی جهته جناب حق محض کرمندن امر معرفتک حصولیچون اسباب حیات فانیه تحصیل ، و اقامه آداب عبودیتک

تکمیلی ایچون انواع مخلوقاتنه و علی الخصوص نوع بشر اولان اشرف مصنوعاتنه لزومی قدر حس و عقل احسان بیورمشدر . هر نه قدر اقامه عبودیت و اکتساب هنر و معرفت عتقک دائره اقتدارنده ایسه ده زنجیر طبیعتله باغلامیوب قوه بصیرتله نور خورشید مبداء فیاضدن اسباب استفاضیه تشبیه تدریجی اوله رقی تخلیه و تحلیله قلبه موفق اولمق کرکدر . بو تخلیه و تحلیله نک جهت عمایه سنی افاده ایدن عامه علم اخلاق دیرلر که اخلاق یعنی خویلر نفس انسانیه به بالقوه موجود اولان افعالک سهولتله صدورینه سبب اولان مالک لردر (حال) بونک خلافتدر . زیرا کیفیت نفسانیه ایکی قسم اولوب بری سریع الزوالدر کولمک ، اغلامق کبی اشته بو قسمه حال اطلاق اولنور . دیگر ی بطی الزوالدر سخاوت ، شجاعت کبی که اشته بوکا مالک دیرلر بناء علیه انفسده واقع اولان هر کیفیت مالک دنیله من مثلاً برکیمه دن نادراً و یا خود بر غرض و یا عارضیه منی کلفتله صدقه و احسان وقوع بولسه بوکا سخاوت دنیله من . چونکه بوراده فعل احسانک نفس انسانیدن صدورنده سهولت یوقدر بوکی تکلف و مشقتله اجرا اولنان شیلره فاعلنک نیتنه کوره حال و غرض و عادت تعبیر اولنه بیلور . بنابرین انسان استحصال معارف و اکتساب کالات امرنده فطرت اصلیه سنک تأمین ابتدیی سلامت وجدان دائره سنده یاشماق ایچون بر جوق آداب و قوانینه محتاج بولمقده در . بوکی آداب و اخلاق و قوانینک معلم اولاری ایسه آنا و بابا اولدینقده شبهه یوقدر آداب اسلامیه ایله متأدب و اخلاق محمدیه ایله متخلق اولیان و قوانین الهیه به انتساب و اعتصام ایتیان آباء جاهله نک انسال جدیده اوزرنده کی سؤ تأثیری ملاحظه اولنورسه اسلامیتده کنجلیک نه صورته هباء ایدیه کلدیکی قولایجه تظاهر ایدر . مطلقاً فطرت اسلامیه اوزره تولد ایدن بر صینک آنا و باباسی طرفندن کندی مسلک و مذهبلی طرفته تغیر اخلاقه خادم اوله جقیری و بناء علیه دین اسلام حقنده لاابالی و قیدسز یاشایان ابونک اولاد و انسانی دینسرلکه سوق ایدمچی بدیهیدر . نظر دینده کنجلیک بر موقعی واردر حتی دیه بیلورم که بو دین عالی بدایت ظهورنده کنجلیک و کنجلیک واسطه سیله تأسیس و تقویه ایدمشدر .

حضرت فخر رسالت افندمزک « بن سزک کنجلیک کزدن دین حقنده معاونت و اختیارلر کزدن جفا کوردم » بیوردقلری مرویدر . اوت بو دین عالی به الک اول کنجلیک سلوک ایتمشدر ؛ الک اول کنجلیکده جذبات الهیه ظاهر اولمشدر پیغمبر افندمز به الک اول کنجلیک فدای جان کوسترمشدر . او پیغمبره که ذاتا کندولری کنجلیک منطقه کال و قطیعت دائره اجلانده بولنیورلردی . شوراسی اونوتاملیدر که جناب حق انسان نوع بشری بدیشر بدیشر فصول عدیده به و هر اوج فصلی بر باب اولمق اوزره ابواب متعدده به تقسیم و بو صورته عالم بشری تکریم و تفخیم بیورمشدر که انسان بشردن برنجی اوج فصاک مجموعی طفولیت و حدیث و مرأه قیته نتیجه لندکدن صکره ایکنجی

قضا و قدر

قال علی کرم الله وجهه (دواء القلب الرضا بالقضاء) قلبه دواء قضایه رضا ایدر. قدره ایمانم اولدینی کبی قضایه ده راضی یم قضا و قدر مسئله سنده حیرت و ضلالت چوقدر. باطل الوهم والخیال اولان اکثر ناس غلبه چالمشدر.

بعضیلری عیددن بالاخیار صادر اولان فعلی محض خیر تلقی، بعضیلریده واحدالقهاره نسبتی نفی ایتدیلر برطائقه ده اعتقادده اقتصاد طریقنی اختیار ایتدی.

اوچنجی طائفه صراط مستقیم و نهج قویمی اختیار ایدره که کندیلرینی فرقه ناجیه دن عد ایتشلردر.

افعال اختیاریه عباد، خلق و ایجادجهتیه مقدورالله تعالی درتملقی اعتباریه وجه دیگرله مقدور عباد اولیورمی؟

امرا اکتسابده حرکت عبدک نسبتی قدرت حقه در. بوکاخلق تسمیه ایدلدیکی کبی قدرت عبده نسبتی اعتبارده کسب دیرلر.

امام اشعری افعاله اختیار عبادک اصلا مدخلی یوقدر دیمشدر.

عقیب اختیارده حق اوجدا لافعالدر جزیان عادتده بونی متقصدیر.

قدرت حادثه نك تأثیری اولورمی؟ فکرینه ذاهب اولور ایسه که مذهب

جبره تمایل ایتش اولوروز. بوسیدن جبر متوسط ایله تسمیه ایدلدی.

ابواسحاق الاسفرائی اصل و حصول فعلده تأثیر قدرت حادثه ایله مجموع

قدرتی تجویز ایتیور اثر واحدده جهتن مختلفین ایله قدرتن مستقلینک

اجتماعی فصل تجویز ایدیلور « قاضی ابوبکر باقلانی فعل، وصف

تأثیر قدره حادثه ایله موصوفدر دییورلر طاعت و معصیتده بویله دکلیدر؟

تأثیر قدرت حادثه اصل و وصف فعلده مشترکدر. وصفده تأثیر ایچون

معنی بدون الاصل جائز اولورمی؟ وصف اوفعل اوزره مختزعک اثری

دکلیدر؟ بوده تأثیر اصل فعل اوزره برتأثیر زائده محتاجدر. وجود

وصف، وجود وصل اوزره زائده اولدینی کبی اشعری یه کوره

قدرتده تأثیری ایجاد ایدن الله تعالی در. نفس قدرت حقت ایجاد و

قدرتک تأثیریه دکلیدر؟ صوابه یقین اولانده بودر. اشعری حقیقتده

دائرة جبره داخل اولدی. اونک عندنده حقیقه اختیار و تأثیر قدرت حادثه

قالدی. جبریه نك عندنده فعل اختیاری اساساً یوقدرکه فاعل حقیقی یه

نسبت جائز اولسون مجازاً اوله ییلور.

اشعری یه کوره اختیار ثابت اولماز ایسه فاعله فعل حقیقه قدرت

عبده نسبت اولنور. کرك اوقدرت فی الجمله مؤثر اولسون.

شوسوزلر مذهب اهل حق عیان و اهل باطلک کیتدیکی طریق

نفی ایدر. حقیقه فعلی فاعلدن نفی و فاعله اوفعلی مجازاً اثبات ایدر

ینه مذهب جبریه دن حیقامامش اولور جبریه صرفه کفر محض و انکاردر

بونده ده ضرورت یوقی؟ جبریه دن صاحب تمهید ظاهراً و مجازاً فعل

عبدکدر دیدی.

اوچ فصلک تمامی ده شایب و جوانلق یعنی کنجک وانک متعم و مکملی اولان کهولت یعنی بهادرلق و قهرمانلقه تنوج ایدر. شو حسابه نظرأ صاحب سعادت اقدمز حضر تلی بهادرلق نقطه قطیت و درجه اکملیتده امر تبلیغه مأمور بیورلمش اولدینی کبی دائرة معنویه اسلامیتده صفوف اولین ایمانی کنججر زمرة مبعله سی تشکیل بیورمشدر. ایشته او کنج و معناً و ماده دینج اولان ذات پاک حضرت احمدیه ینه سناً کندوسدن ده کنججر یاردم ایتکده عموم ارباب ایمانه سبقت ایتدیلر نشر دینده معاون اولدیلر بوکونکی درتیوز ملیونه قریب و بلدکده فضله اولان کتله عظیمه اسلامیه نك اساسی تحکیم ایتدیلر.

بوکونکی اسلامیت اوکونکی فعالیتک مدیون شکرانیدر بوکونکی کنجکک متدار عاطفتی و ثمره شان و سطوتیدر بوکونکی اسلاملر او کونکی کماين اهل ایمانک « زماناً و موقماً، حالاً و موضعاً » ضغای اخوانیدر و حییه شکرانک ایضاً، منت و ثمره شان و سطوتک ادامه و انجاسی، بوضعیتک قوت و صلابته انقلاب و ارتقاسی، بوکونکی مسلمانلرک اوکونکی مسلمانلره امتثال و انلرک اثرنه اتباع ایدرک روحانیت قدسیلرندن اخذ فیوضات التماسیه حاصل اوله ییلور.

اشته بنم اعتقادده کوره بدر محاربه سنده کی اسلام بهادرلرینک هر برلرینک روحانیتی اعصار اخیرنک هر برنده برر ملیون اسلام روحنک مادر معنویسیدر آنلره نسبتله روحانیت محمدیه نك « رتبه نبوت نقطه نظرندن » قرق آتی دفعه فضله لغنی ملاحظه یه آلمق و بو حسابه خاتمت نبوتک فضلته شرفی برکتی ده ضم و علاوه ایتک صورتیه بوکون کره ارضده کی اسلاملرک مقداری میدان چقار [بو حسابه منکرک عقلی ایرمدیسه ده احکام اسلامیه نك بساطت جلیه سنی ادراکدن عاجز اولان افرادک غوامض لدنییه احاطه ایدمه جکی طیبی اولقله بز اخوان فی العرفانمزه قارشو تقریر مرام و اداره کلام ایتش اولدق] « محمد رسول الله والذین معه الخ » تفسیره باقلسون خلاصه: « بنم اتم طرف الهیدن رحمت اولمق اوزره نزول ایدن یاغمور قطره لرینه مشاهددر آنلرده خیر و برکت آرمق ایچون متقدم و متأخر لرینی تفریق ایتک نظر ملاحظه یه آلمز » مآلنی فرمان بیوران پیغمبر ذیشان اقدمز حضر تلینک امتلکنی جانم منت بیلان کنججر و کنجکک عالمی بو دینه، بو ملته، بو وطنه بحق خدمت ایدمه بیلمک و کندولرنده خیر و برکت حاصل ایدرک عالمه رحمت اولمق ایچون هر شیدن اول تربیه دینه و آداب اسلامیه ایله متدین و متأدب اولوب مادیات و معنویاتی دین محمدی یه مغایر عقائد باطله و اعمال سیئه دن تخلیه و اخلاق حسنه انسانیه و اعمال صالحه اسلامیه ایله تخلیه ایتک لازمدر والا فلا ...

نونهال نجه آشلانمز ثمار اجنبی

اولسه اولسه او عمل اشجاره جنسندن اولور

فاتح — درانغان

مصطفی فوزی